



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,  
ordinis Prædicatorum, ac hæreticæ prauitatis Inquisitoris**

**Fumo, Bartolomeo**

**Antverpiae, 1570**

Pvrgatio.

**urn:nbn:de:hbz:466:1-30427**

erit quasi per ignem. Ex hoc patet, quod de igne inferni non potest intelligi, quia per illum nullus saluatur, sed de igne purgatorii, sicut exponunt Tho. ibi. Ambr. Aug. & alij. Item patet per illud Math. 5. Iudex tradat te ministro, & in carcerem mittaris: amen dico tibi, non exies donec reddas vniuersum quadratam. Per hunc carcerem Ambrosius exponit purgatorium. Item per illud Math. 12. Qui dixit verbum in spiritu sanctum, non remittetur ei, neque in hoc seculo, neque in alio. Ergo in alio seculo potest fieri remissio, non in ista, quia ibi nulla est redemptio, neque in paradiso: quia ibi nec culpa nec poena purganda est, ergo in purgatorio: & sic intelligit Greg. Item 2. Mach. 12. Sancta & salubris excogitatio pro defunctis exorare, ut à peccatis soluantur, quod non potest intelligi de existentibus in paradiso, neque in inferno, ergo de existentibus in purgatorio. Et licet hic liber apud Hebræos non sit canonicus, secundum Hieron. in prologo Galeato, est tamen apud Christianos authenticus, ut ibi dicit Hieronymus & Augustinus. 18. libro de ciuit. Dei & secundum canonem concilij Carthaginensis. Augustinus in libro de cura pro mortuis approbat suffragia pro mortuis. Idem Ambrosius de obitu Theodosij, & Damasus dicit hunc usum orandi pro mortuis, ex ritu apostolorum emanasse, quod etiam Dionysius affirmat. Ecce quantum errant hi moderni hæretici, conantes purgatorium remouere. De poenis, & loco purgatorii, non est præsentis speculationis, quia ad conscientiam non pertinent, sed tantum credere ipsum esse, ad peccatorum purgationem debemus, ut tenet ecclesia Christi, An Papa liberare possit omnes animas à purgatorio, supra, Papa. §. vndecimo.

## PVRGATIO.

Purgatio mulierum post partum non est necessaria, nec peccant mulieres intrantes ecclesiam ad referendum gratias Deo ante illud tempus. Si ta-

men ex deuotione volunt abstinere aliquandiu ab ingressu, non sunt reprobande, nisi facerent seruantes ritum iudaicum, vel ex superstitione: extra eod. c. vno. Hoc enim mortale peccatum esset, & Christianæ fidei contrarium. Ante purgationem non est mortale viro cognoscere propriam uxorem, ex consilio tamen deberet abstinere secundum Ray. & Veruer. d. 5. cad. eius. & 31. q. 7. c. non solum.

## PVLLANIMITAS.

Pvllanimitas vitium est magnanimitati oppositum, quo homo ex paruitate animi se retrahit à magnis operibus, & honoribus, suam facultatem non excedentibus, ac si excederet: ex S. Thom. secunda secundæ. q. 133. Est etiam hoc vitium aliquando mortale, quando ea à quibus retrahit, sunt simpliciter de necessitate salutis, ut cum quis non vult confiteri tempore debito, timens iterum relabi, vel non vult acceptare prælationem impositam ex præcepto, timore deficiendi, & huiusmodi. Si verò retrahatur ab alijs non necessarijs, sed vtilibus sibi, vel proximo, maximè in spiritualibus, est veniale, & tanto granius, quanto res salutis animæ expediens magis est, & honoris diuini, quem quilibet quærens tenetur.

## QVÆSTVARII.

**Q**VÆSTVARII dicuntur, qui per diuersas dioceses discurrunt pro elemosinis, nomine vel hospitalium, vel monasteriorum, ut sunt, qui pro S. Antonio quærant, qui communiter dicuntur zaratani. Hi non debent admitti, nisi veras literas Apostolicas, vel diocesanas ostendant, quarum forma ponitur in c. cxi. ex eod. de poen. & remis. & debent prius per Episcopum examinari antequam acceptentur: ut in cle. abusionibus. de poen. & remis. nec permittantur prædicare: nisi secundum, quod in literis suis continetur in d. c. cum ex eo.

**Q**UOD si in literis eorum continetur, quod charitatiue recipiantur, & fideles ad eorum exhortationem conuocent, non propter hoc rectores ecclesiarum